

ԲԱՐԻ ԵՐԹ, ԴԴՐՈՑ

# ՎՐԱՍՏԱՆԻ ՀԱՆՐԱՅԻՆ ԴԴՐՈՑՆԵՐՈՒՄ ՄԵԿՆԱՐԿԵՑ ՆՈՐ ՈՒՍՈՒՄՆԱԿԱՆ ՏԱՐԻՆ

## ՈՒՍԱՐԻՆ ՄԵԿՆԱՐԿԵՑ ՆԱԵՎ ՎՐԱՍՏԱՆԻ 130-ԻՅ ԱՎԵԼԻ ՀԱՅԿԱԿԱՆ ԿՐԹՕՉԱԽՆԵՐՈՒՄ

(Սկիզբը՝ 1-ին էջում)

Այս տարի կրթության նախարարությունն առաջին դասարանցիների համար ծեռք է բերել 55300, գերազանցիկների համար՝ 2470, իսկ դասողեկների համար՝ 2530 համակարգիչ:

Ինչ վերաբերում է դասագրքերին, ապա Վրաստանի հանրային դպրոցների բոլոր աշակերտները կստանան

անվճար դասագրքեր: Անվճար դասագրքեր կստանան նաև մասնավոր դպրոցների կարիքավոր ընտանիքների աշակերտները, որոնց վարկանիշային միավորը 70001 միավորից ցածր է, նաև՝ Աբխազիայի ու Ախալգորիի տարածքների վրացական դպրոցների աշակերտները: Այդ նախագծի շրջանակներում, ընթացիկ տարի տպագրվել է 2246738 գիրք, տետր ու թեստ:

2016-2017 ուստարում Վրաստանի հանրային դպրոց-

ների առաջին դասարանցիների թիվը կազմում է 53540, իսկ հանրային դպրոցների աշակերտների ընդհանուր թիվը հասնում է 509120-ի:

Ուսումնադաստիարակչական գործընթացը մեկնարկել է նաև թբիլիսյան մանկապարտեզներում: Ինչպես տեղեկացրին Թբիլիսիի մանկապարտեզների կառավարման գործակալությունից, այն սկսվել է 165 նախադպրոցական դաստիարակչության հաստատություններում:

### ՄԻՍՏՐԱՆՔԻՆ ԿԱԶՄ ՈՒ ԴԱՏՐԱՍՏ ԴԻՄԱՎՈՐԵՑ ՆՈՐ ՈՒՍՈՒՄՆԱԿԱՆ ՏԱՐԻՆ

Սեպտեմբերի 15-ը մեր երկրում խորհրդանշում է նոր ուսումնական տարվա սկիզբը, որ հիշարժան ու արտասովոր տոն է թերևս բոլորիս համար: Սա մի նոր փուլ է գիտելիքների ձեռքբերման, աշխարհաճանաչողության, ընկերական մաքուր հարաբերությունների ձեռավորման ճանապարհին:

Այս ուրախալի առիթով, կցանկանայի, նախեսառաջ, շնորհավորել մեր ամենափոքրիկներին՝ առաջին դասարանցիներին, որոնց թիվը Ախալքալաքի մունիցիպալիտետի հանրային դպրոցներում այս ուստարում հասավ 692-ի: Շնորհավորում են նաև համայն աշակերտությանը, մանկավարժներին, ծնողներին:

Նշեն, որ մեր փոքրիկներից ու նրանց դասվարներից յուրաքանչյուրն ապահովված է համակարգիչով, դպրոցները ստացել են գրեթե բոլոր դասագրքերը:

Ախալքալաքի մունիցիպալիտետի դպրոցների թիվը այսօր հասնում է 65-ի, որոնց 95 տոկոսը ենթարկվել են վերանորոգման, մնացածում առկա իրավիճա-



Կը բավարար է ուստարվա ընթացքն ապահովելու համար:

Ուզում են շնորհավորել նաև արդեն ուսանող մեր շրջանավարտներին, ովքեր հաջողությամբ հանձնել են ընդունելության քննություններն ու ընդունվել տարբեր բուհեր: Մաղթում ենք նրանց կանաչ ճանապարհի եւ նորանոր հաջողություններ:

**ԹԵՐԵԶԱ ԶԻՎԶՅԱՆ**  
Ախալքալաքի մունիցիպալիտետի հանրակրթական ռեսուրս կենտրոնի ղեկավար

### ԳՐԻ ՈՒ ԴԴՐՈՒԹՅԱՆ ՕՐԸ՝ ԹԲԻԼԻՍԻ ՀԱՅԿԱԿԱՆ ԿՐԹՕՉԱԽՆԵՐՈՒՄ 20 ՆՈՐԵԿՆԵՐԻ ՀԱՄԱՐ ԴՈՂԱՆՋԵՑ ԱՌԱՋԻՆ ԶԱՆԳԸ

**Մարդաշատ էր մայրաքաղաքի թիվ 104 հանրային դպրոցը: Առաջին զանգի հանդիսավոր արարողությունը բացվեց Վրաստանի, Հայաստանի Հանրապետության պետական, ապա՝ նաև դպրոցի օրհներգերով:**



Տոնի առթիվ հնչեց կրթօջախի տնօրեն Իրինա Ժամկոչյանի ողջույնի եւ շնորհավորանքի խոսքը: Իր օրհնությունը բաշխելով ներկաներին՝ Վիրահայոց թեմի առաջնորդ Տեր Վազգեն Եպիսկոպոս Սիրադախյանն իր օրհնությունն ու բարեմաղթանքները բաշխեց ներկաներին, կարեւորեց հայ դպրոցի դերը ազգային ինքնությունը պահելու գործում:

Նոր ուսումնական տարվա կապակցությամբ դպրոցում հյուրընկալվել էին համայնքի անվանի գործիչներ, ՀՀ ղեկավարներ եւ այլք: Հայ դպրոցը կանգուն պահելու, նորանոր գիտելիքներ, արժեքներ ձեռք բերելու, աշխատա-

սիրություն, ձգտում ու կամք դրսևորելու հորդորներով հանդես եկան «Վրաստան» թերթի խմբագիր Վան Բայբուրջյանը, Վրաստանի գրողների միության հայկական բաժնի նախագահ Անահիտ Բոստամյանը, Վրաստանի հայերի միության նախագահ Հենրիխ Սուրադյանը, բանասիրական գիտությունների թեկնածու, պրոֆեսոր Էմմա Ախոյանը, պատմաբան Ադապի Գելորջյանը, «Հայարտուն» կենտրոնի տնօրեն Լեւոն Զիդիլյանը, կրթօջախի վաստակաշատ նախկին ուսուցիչ Նո-

րայր Բաղդասարյանը, «Վրացահայերի միություն» կազմակերպության ծրագրերի համակարգող Մարի Առաքելովան: Տողերիս հեղինակը հայտնեց նոր ուստարվա ընթացքում Վրաստանի կրթության եւ գիտության կողմից իրականացվելիք նոր նախագծերի մասին:

Առաջին զանգի դողանջներից 20 նորեկներ՝ դասվար Եպրայիմ Բաղդասարյանի ուղեկցությամբ, առաջին անգամ բացեցին իրենց դասասենյակի դուռը:

### ԵՐԿՐՈՐԴ ԿԻՍԱՄՅԱԿԻՅ՝ ՆՈՐ ԴԴՐՈՑԱԿԱՆ ՇԵՆՔՈՒՄ



**Առաջին զանգի արարողությունը մայրաքաղաքի թիվ 103 դպրոցում նույնպես անցավ հանդիսավոր պայմաններում:**

Չուզված ու զարդարված օրվա հերոսները՝ 14 առաջինդասարանցիները՝ քիչ հուզված ու շփոթված, անծանոթ աշխարհ էին մտել, գրի ու դպրության աշխարհ: Դպրոցի տնօրեն Արչիլ Զխաիձեն եւ ուսմասվար Հասմիկ Պապիկյանը ողջունեցին ներկաներին, մաղթեցին արգասաբեր եւ արդյունավետ ուսումնական տարի: Ընդգծվեց նաև այն, որ մի քանի ամսից նրանք պարապմունքները կշարունակեն կրթօջախի նորակառույց շենքում, որը ժամանակակից շինություն է՝ համալրված

ավելի բարձրացմանը: Խոսքով հանդես եկան «Վրաստան» թերթի խմբագիր Վան Բայբուրջյանը, տողերիս հեղինակը, «Հայարտուն» կենտրոնի տնօրեն Լեւոն Զիդիլյանը, նշյալ կենտրոնի կրթության բաժնի տնօրեն Եվգենյա Մարկոսյանը: Ելույթ ունեցողները արժեւորեցին կրթօջախի իբրեւ ավանդույթներով հարուստ երկրի լավագույն դպրոցներից մեկի գործունեությունը, ցանկացան առաջընթաց ու ձեռքբերումներով լի ուստարի: Առաջին դասարանցիներին նվերներ բաժա-

արդիակ ա ն տեխնիկայով, ի ն չ ը զգալիորեն կնպաստի ուսման որակի էլ նառելով ներկաներին, իսկ ուսուցչուհի Նինա Պարոնյանը փոքրիկներին հանձնեց Առաջին դասարանցու վկայականներ:

Բարի երթ մեր սաներին՝ գիտելիքների ու արժեքների աշխարհ տանող մեծ ճանապարհին:

**ԿԱՐԻՆԵ ՄԱՆՈՒԿՅԱՆ**  
Վրաստանի կրթության եւ գիտության նախարարության ազգային ուսումնական ծրագրերի վարչության ոչ վրացալեզու դպրոցներում ուսումնական նյութերի ներդրման փորձագետ

### ԴԴՐՈՑՆԵՐՈՒՄ Է՛Ն ԱՎԵԼԻ ԲԱՐՁՐ ԱՌԱՋԱԴԻՍՈՒԹՅՈՒՆ

**Ախալցխես քաղաքի թիվ 3 հանրային դպրոցը 2015-2016 ուստարում ուներ 625 աշակերտ: Դպրոցն ավարտեց 38 շրջանավարտ, որից 10-ը ընդունվել են Ախալցխեսի, իսկ 3-ը՝ Թբիլիսիի Ջավախիշվիլու անվան պետական համալսարաններ: Ընդունվողներից 6-ը շահել է 100 տոկոսանոց գրանտ: Աշակերտներից մեկը՝ Արեւիկ Կիրակոսյանը, դպրոցն ավարտել է ոսկե մեդալով: Դպրոցի լավագույն աշակերտները ակտիվորեն մասնակցել են տարբեր առարկայական օլիմպիադաների եւ հասել հաջողությունների:**



Դպրոցը ստացել է շնորհակալական գովասանագիր պետական լեզվի լավ ուսուցման համար: Մեր դպրոցի աշակերտները մեծ հաջողություններ ունեն սպորտի բնագավառում: Նրանցից 4-ը՝ Հասմիկ Մարգարյանը, Իրինա Հակոբյանը, Սոֆյա Հակոբյանը եւ Սվետլանա Պողոսյանը, դարձան Վրաստանի չեմպիոն թեթեւ ատլետիկայից:

Դպրոցի սաներից մի քանիսը, որոնք գերազանց տիրապետում են անգլերենին, մասնակցեցին «Ֆլեքս» ծրագրին եւ մեկ տարով մեկնեցին ԱՄՆ եւ ուսումը շարունակեցին տարբեր դպրոցներում:

2015-2016 ուստարում դպրոցի մեծ հաջողություններից էր տասներորդ դասարանի աշակերտուհի Անի Սկոյանի հաղթանակը «Էտալոն» ինտելեկտուալ ծրագրում: Շրջանի 40 դպրոցներից Անին հաղթող ճանաչվեց եւ հասավ եզրափակիչ փուլ, որը տեղի ունեցավ Թբիլիսիում:

Ուրախությամբ փաստեն, որ կազմույսատրաստ ենք դիմավորում 2016-2017 ուստարին: Այս տարի մեր դպրոց են հաճախելու 51 առաջին դասարանցիներ: Ի սրտե շնորհավորում ենք ողջ Վրաստանի աշակերտներին եւ ուսուցիչներին, մաղթում առողջություն ու հաջողություն նոր ուստարում:

**ՍԿԵՏԼԱՆԱ ՀՐՈՒԹՅՈՒՆՅԱՆ**  
Ախալցխեսի հայկական թիվ 3 հանրային դպրոցի տնօրեն

### ԵՐԿՐԻ ՄԻ ՇԱՐՔ ԴԴՐՈՑՆԵՐՈՒՄ ՈՒՍԱՐԻՆ ԿՍԿԱԿԻ ՈՒՇԱՑՈՒՄՈՎ

**Վրաստանի քսան դպրոցներում, այդ թվում՝ Թբիլիսիի հինգ դպրոցներում, վերանորոգման աշխատանքների ձգձգման պատճառով, ուսումնական տարին կհետաձգվի առնվազն երկու շաբաթով:**

Այդ մասին հայտարարեց Վրաստանի կրթության եւ գիտության նախարար Ալեքսանդր Ջեջելավան: Ինչ վերաբերում է մյուս դպրոցներին, ապա, նախարարի խոսքերով, նոր ուսումնական տարվա համար վերջիններս պատրաստ են եւ ժամանակին ստա-

ցել են դասագրքեր ու նոութբուքեր: «Դասագրքերի 30 տոկոսը նոր է, 70 տոկոսը՝ հին, եւ այդ 70 տոկոսում կան եռամյա եւ երկամյա վաղեմության դասագրքեր: Ամենավնասված դասագրքերը մենք հանել ենք, այսինքն՝ երեխաները վնասված գրքեր չեն ստա-

նա», - հայտարարեց Ջեջելավան: Անդրադառնալով ուսուցիչների մասնագիտական զարգացման թեմային՝ նախարարը նշեց, որ նրանց չեն սպառնա քննություններով կամ հեռացմամբ: Եթե այս կամ այն ուսուցիչը չի կարողանա հանձնել մասնագիտական քննությունը, սակայն ջանադրաբար կաշխատի եւ հիմնախնդիրներ չի ունենա աշակերտների ու տնօրինության հետ, ապա վերջինս չի հեռացվի դպրոցից:

ԲՈՒՐ

ԳԻՐՈՐԳԻ ՇԱՐՎԱԾԻՉԵ. «ՀԱՍՏԱՍԱՐԱՆԸ ՊԵՏԵ Է ԼԻՆԻ ԱՅՆ ՏԵՂԸ, ՈՒՐ ՈՐԱԿՅԱԼ ՈՒՍՈՒՅՈՒՄ Է ԸՆԹԱՆՈՒՄ»



Ինչպես են գնահատում վրաց եւ օտարազգի գիտնականները Գիորգի Շարվաչիձեի թեկնածությունը ռեկտորի պաշտոնում:

Նրանց կարծիքով, բարձրագույն կրթության համակարգում առկա իրավիճակը Շարվաչիձեին բոլորից լավ գիտի:

Կարող ենք Գիորգի Շարվաչիձեի լուսանկարի մակագրությունը. «Համալսարանը պետք է լինի այն տեղը, ուր բարձրորակ հետազոտություն է որակյալ ուսուցում է ընթանում»:

ՄԱՅԱ ՄԻՇԵԼԱՉԵ

Նշում է, որ Թբիլիսիի պետական համալսարանը պետք է լինի այն վայրը, որտեղ բարձրորակ հետազոտություն է որակյալ ուսուցում է ընթանում: Անհրաժեշտ է անվերապահորեն պաշտպանել ինքնավարության սկզբունքը, ներդնել կոլեգիալ կառավարման սկզբունքներ եւ հաշվետվողականություն՝ համարության առջեւ: Տարածաշրջանի մասշտաբով համալսարանի դիրքավորումը որպես առաջատար գիտական ու ուսումնական տարածք: Ուսանողական կյանքի կարգավորում է ուսանողի կարիերայի կողմնորոշման համակարգի կազմակերպում՝ զբաղվածության հնարավորությունների մեծացմամբ: Գործատուն անպայման պետք է մտնի համալսարանական տարածք: Պետք է վերականգնվի պրոֆեսորների եւ գիտնականների հեղինակությունը, այսպես է կարծում Վրաստանի կրթության եւ գիտության նախարարի տեղակալ Գիորգի Շարվաչիձեին, ով, հաստատված տեղեկությամբ, կնասնակցի Թբիլիսիի Իվանե Ջավախիշվիլու անվան պետական համալսարանի ռեկտորի ընտրություններին:

Այն տիպի պատմությունը, որ վերջին ժամանակաշրջանում ԹՊՀ-ում զարգացավ, հիմնականում շղթա է ներկայացնում սկսած հակադիր կողմերից, ավարտված դրսից արհեստականորեն ղեկավարվող գործընթացներով: Այս պատմության բազմ երկրի գլխավոր բաղադրական իրադարձությունն է՝ նախընտրական էլիտիզմ: Հենց այս իրավիճակում է Գիորգի Շարվաչիձեին պատրաստվում դառնալ ԹՊՀ-ի ռեկտոր, ով կրթության համակարգում աշխատանքային մեծ է բավականաչափ հաջողված փորձ ունի:

Գիորգի Շարվաչիձեին ծնվել է 1963 թվականին, Թբիլիսիում: Գերագույն առաջադիմությամբ ավարտել է Իվանե Ջավախիշվիլու անվան Թբիլիսիի պետական համալսարանի բանասիրության բաժինը: Ունի կրթության կառավարման դոկտորի աստիճան: Մասնակցել է մի շարք մասնագիտական վարժապետների, այդ թվում՝ Շվեդիայի հանրային կառավարման ինստիտուտում, UNESCO-ի կրթության պլանավորման միջազգային ինստիտուտում՝ IIEP (Փարիզ, Ֆրանսիա) եւ Համաշխարհային բանկի ինստիտուտում (Բուդապեշտ, Հունգարիա):

10 տարի դասավանդել է թիվ 6 հեղինակային դպրոցում: Աշխատել է որպես փոխանակության ուսուցիչ Հարավային Միլոնցի բարձրագույն դպրոցում (Վինսթրոմսի նահանգ,

ԱՄՆ): Եղել է Իվանե Ջավախիշվիլու անվան Թբիլիսիի պետական համալսարանի ավագ գիտաշխատող, ներկայումս նույն համալսարանում վարում է բարձրագույն կրթության բաղադրականության դասընթացը:

9 տարի շարունակ ակադեմիական աջակցության ծրագրի տնօրենն էր (Բուդապեշտ, Հունգարիա): Ծրագիրը իրականացվում էր շուրջ 20 երկրում, այդ թվում՝ Վրաստանում: Այն օգնում էր երիտասարդ հետազոտողներին ու գիտնականներին՝ սկսել մասնագիտական կարիերա հայրենիքում եւ համալսարաններում աշխատանքի անցնել ըստ մասնագիտության: Այս ծրագրի շրջանակներում, Գիորգի Շարվաչիձեի ամնիջական նախաձեռնությամբ, ԹՊՀ վերադարձան 50 հեղինակավոր դասախոսներ:

Գ. Շարվաչիձեին աշխատել է որպես Վրաստանի կրթության եւ գիտության նախարարության գլխավոր տեսուչ, արտաքին հարաբերությունների վարչության պետ, նախարարի տեղակալ, եղել է Կրթության ոլորտի կառավարման ազգային կենտրոնի տնօրեն: Այժմ նա Վրաստանի կրթության եւ գիտության նախարարի տեղակալն է:

Հրատարակել է Վրաստանում մասնավոր բարձրագույն կրթության վերաբերյալ մեծագույնում, որը UNESCO-ի կողմից սպազարվել է Փարիզում: Մի քանի գիտական աշխատության հեղինակ է, Եվրամիության բարձրագույն կրթության բարեփոխման փորձագետ (HERE), նաեւ՝ տարբեր ժամանակաշրջաններում եղել է Եվրամիության, UNESCO-ի ու Բաց հասարակության ինստիտուտի կրթության փորձագետ:

Այն դեպքում, եթե ԹՊՀ-ի գիտախորհուրդը ռեկտոր ընտրի Գիորգի Շարվաչիձեին, սպա հարուստ փորձը, ինչը տարիների ընթացքում կուտակել է նա, կներդնի համալսարանի զարգացման ու բարձրակարգ ման գործում: «Այն շփումները, որոնք տարիների ընթացքում աշխարհի շատ առաջատար համալսարանների հետ հարաբերվելուց են կուտակել, առավելագույն չափով կօգտագործեն: Կստեղծվեն համատեղ շատ ծրագրեր, եւ կտրվեն համատեղ դիպլոմներ: Արդեն գիտեն համաշխարհա-

յին մի քանի առաջատար համալսարաններ, որոնք այս գործում իմ գործընկերները կդառնան, քանի որ դրանց հետ երկար ժամանակակա համագործակցություն է կապում»,- նշում է Գիորգի Շարվաչիձեին:

2017 թվականի փետրվարին, ԹՊՀ-ն նոր սկզբունքներով պետք է անցնի հավատարմագրում (ակրեդիտացիա): Համալսարանում վերջին ժամանակների զարգացումների ֆոնի վրա շատ հարցեր են ծագում՝ Թբիլիսիի պետական համալսարանը որքանով կկարողանա այս գործընթացը հաջողությամբ ավարտել: Հենց դրա համար էլ պետք կլինի առավելագույն համակենտրոնացում, որպեսզի համալսարանը 6 ամսում բարձր մակարդակով ապահովի հավատարմագրման թույլատրությունը:

Հետաքրքիր է, թե ինչպես են գնահատում կրթության եւ գիտության նախարարի տեղակալի այս որոշումը Վրաստանի առաջատար հետազոտական ինստիտուտների ղեկավարները:

Ե.ԱՆՈՐՈՆԻԿԱՇՎԻԼՈՒ ԱՆՎԱՆ ՖԻԳԻԿԱՅԻ ԻՆՍՏԻՏՈՒՏԻ ՏՆՕՐԵՆ ԳԵԼԱ ԳԵԼԱՇՎԻԼԻ

Գիան բավականին քաջատեղյակ է Վրաստանի կրթության առկա իրավիճակին: Որոշակի բարեփոխումների հեղինակը հենց ինքն էր, բայց կարեւորն այն է, որ նա կազմակերպչական լավ ունակությունների տեր է, ինչը համալսարանին մեծ օգուտ կբերի: Նրանից հետո, երբ ԹՊՀ-ին միավորվեց եւս 14 համալսարան, այն վերածվեց բավականին մեծ կազմակերպության: Կարծում են, որ լավ կլինի, եթե պարոն Գիան առաջադրվի համալսարանի ռեկտորի պաշտոնում: Այն իրադարձությունները, որոնք վերջին շրջանում զարգացան համալսարանում, հստակ «ծեռք» են պահանջում: Հաստատությունը կազմակերպչական ջիղ ունեցող անձ պետք է կառավարի, ով այս հիմնախնդիրները կկարողանա շտկել:

ԱՆՈՐՈՆ ԶԻՅՐԵՎԱՅԻ ԱՆՎԱՆ ԼԵՂՎԱՐԱՆՈՒՅԱՆ ԻՆՍՏԻՏՈՒՏԻ ՏՆՕՐԵՆ ԱԿՔԱՆՈՒԼ ԱՐԱՐՈՒԼԻ

Ես ճանաչեցի Գիային որպես նախարարի տեղակալ, ով հմտո-

րեն էր առաջնորդում գործընթացները: Ունի մեծ փորձ ու կրթության կառավարման աստիճան:

Ես այլ մանրամասների, նրա գիտական ու ակադեմիական կողմի վերաբերյալ ոչինչ չեմ ասի, իսկ որպես կառավարիչ եւ կազմակերպիչ, նա ոչ մեկին չի զիջում:

ՌԱՖԱԵԼ ԱԿԱՃԵԻ ԱՆՎԱՆ ԱՆՕՐՈՆԱՆԱԿԱՆ ՔԻՄԻԱՅԻ ԵՒ ԷԼԵԿՏՐՈՒՄԻ ԻՆՍՏԻՏՈՒՏԻ ՏՆՕՐԵՆ ԳՐԻԳՈՐ ՏԱՄԻՉՎԻԼԻ

Պարոն Գիան արհեստավարժ ու կրթված անձ է: Կարծում են, համալսարանի ռեկտորի պաշտոնում արժանի թեկնածու է: Նա գիտի, թե ինչպես պետք է աշխատել, կազմակերպչական տաղանդ ունի, ինչը շատ կարեւոր է:

Գիա Շարվաչիձեի ռեկտոր դառնալը գնահատում են արտասահմանյան գիտնականները: Մեծ Բրիտանիայի ատոմային գործակալության ղեկավար, գլխավոր տնօրեն Ռոջեր Քաշմորին, ով CERN-ի գլխավոր տնօրենն էր նաեւ, մեկնաբանում է. «Մենք իրար հանդիպել ենք մի քանի անգամ, երբ գիտական ֆոնդի համանախագահներ էինք: Գիան միշտ աշխատում էր մոտեցնել իրար արմատական դիրքորոշումները, որպեսզի լավագույն արդյունքի հասնեինք: Կարծում են, եթե նրան ընտրեն ռեկտորի պաշտոնում, դա կլինի շատ ճիշտ ընտրություն»:

Օբսերվորի համալսարանի պրոֆեսոր եւ կառավարման խորհրդի անդամ, Թբիլիսիի պետական համալսարանի պատվավոր դոկտոր Նիլ Մակփարլեինը նշում է, որ Գիորգի Շարվաչիձեին 10 տարի է ճանաչում է եւ գտնում, որ վերջինս առաջին հերթին շատ ռացիոնալ մարդ է ու շատ լավ է հասկանում բարձրագույն կրթության մշակույթը: «Իմ կարծիքով, պարոն Գիան այն մարդն է, ով կարող է շատ արդյունավետ իրականացնել աշխատանքը, եւ նրա այս պաշտոնում լինելը միայն դրականորեն կանդրադառնա համալսարանի գործունեության վրա», - ասում է պրոֆեսորը:

ՀԱՍՏԱՍԱՐՈՒՄ ԿՑՈՒԹՅՈՒՆ

ԱԳՐՈՆԵՐՈՒԹՅԱՆ ՎԱՐԿ՝ ՆՈՐԱՐԱՐԱԿԱՆ ՄՊԱՍԱՐԿՈՒՄ ՖԵՐՄԵՐՆԵՐԻ ՀԱՄԱՐ

(Սկիզբը՝ 4-րդ էջում)

- Դուք նշեցիք, որ շահագրգռված անձին ներկայացվող պահանջներից մեկը բազմամյա մշակաբույսերի աճեցման ու խնամքի փորձն է: Որքանով է հնարավոր, որ մտնե անձը, որն ունի համապատասխան փորձ, սակայն սեփականության ներքո չունի համապատասխան հողատարածք, ագրոներդրումային վարկով զնի այդ տարածքը եւ դրա վրա էլ աճեցնի կոնկրետ մշակաբույսը:

- Ագրոներդրումային վարկը հողամասի ձեռքբերման համար նպատակայնորեն չի տրվում: Դա կարող է անել շահագրգռված անձը, եթե ունի համապատասխան եկամուտ: Նրան կարող ենք առաջարկել ստանդարտ վարկ հողատարածքի գնման նպատակով, եւ զուգահեռաբար ագրոներդրումային վարկ կտրվի արդեն ձեռք բերված տարածքում բազմամյա մշակաբույսերի աճեցման համար:

- Եթե շահագրգռված անձն արդեն վերցրել է այլ վարկեր, օրինակ, սպառողական կամ հիպոթեքային նպատակով, որքանով է իրատեսական, որ նա օգտվի նաեւ ագրոներդրումային վարկից:

- Հնարավոր է, եթե շահագրգռված անձն առանց ուշացման մարտն է վերցրած վարկերը, ունի լավ վարկային պատմություն ու

ստանում է բավարար եկամուտ դրանց մարման համար: Միաժամանակ, ագրոներդրումային վարկի ստացման համար նա պետք է բավարարի այն չափորոշիչներին, որոնց մասին խոսեցի վերելում:

- Գյուղատնտեսության նախարարության կողմից նախաձեռնվել է «Սերմանի՞ր ապագան» նախագիծը, որքանով է թույլատրելի, որ ֆերմերը, ագրոներդրումային վարկի հետ միասին, օգտվի նաեւ այդ նախագիծից:

- Ինչ խոսք, թույլատրելի է, դա էլ ավելի կնվազեցնի այն ծախսերը, որը ֆերմերը կատարելու է բազմամյա մշակաբույսերի աճեցման համար, քանի որ «Սերմանի՞ր ապագան» նախագիծը թույլ է տալիս ֆինանսավորել տնկիների արժեքի 70 տոկոսը եւ ոռոգման համակարգի արժողության 50 տոկոսը:

- Ինչպես նշեցիք, ագրոներդրումային վարկը նախատեսված է բազմամյա մշակաբույսերի համար: Ինչո՞ւ է ընտրվել խնձորի, տխիլի, ընկույզի եւ կիվիի այգիները:

- Բազմամյա մշակաբույսերից ներկա փուլում ընտրել ենք այն մշակաբույսերը, որոնց աճեցման համար իրականացված ներդրումները ֆերմերի համար տնտեսապես արդարացիված են եւ իրականացվող նախագիծը մրցունակ է ինչպես տեղական,

այնպես էլ՝ երկրի սահմաններից դուրս շուկաներում: Առաջին հերթին, կաջակցենք եւ կֆինանսավորենք խնձորի ինտենսիվ եւ կիսաինտենսիվ այգիները, կիվիի, տխիլի եւ ընկույզի այգիների աճեցումը: Կիվին, տխիլը եւ ընկույզը գյուղատնտեսության ոլորտի արտահանման արտադրանքն է, իսկ ապրանքային խնձորի տեսակի պահանջարկը տեղական շուկայում էլ բարձր է, քանի որ տեղական շուկայի պահանջարկի մշակակալի մասը փոխհատուցվում է ներկրած արտադրանքով: Մենք շարունակում ենք ուսումնասիրությունները, եւ մոտ ապագայում թվարկման մշակաբույսերին, հնարավոր է, ավելացվեն այլ պտուղներ:

- Չե՞ր կարծիքով, TBC բանկի ագրոներդրումային վարկը կխրախուսի, արդյոք, երկրագործությունը նրանց համար, ովքեր ունեն անմշակ հողամասեր:

- Վստահությամբ կարող են ասել՝ այո: Դրամական վարկային ռեսուրսի մատչելիության ավելացումը միշտ նպաստել է նոր ներդրումների իրականացման խրախուսմանը: Եթե դիմենք վիճակագրությանը, ապա տասնամյակներ առաջ միայն այգիներից ստացվում է 650-700 հազար տոննա միդր: Ներկա փուլում մեր երկրում աճեցվում է առավելագույնը 32 հազար տոննայի չափ միդր: Այս նախագծի միջոցով գտնում ենք, որ կավելանա ժամանակակից



այգիների եւ պլանտացիաների տարածքին, ֆերմերին հնարավորություն կտրվի կարճ ժամանակահատվածում յուրացնել բազմամյա մշակաբույսերի աճեցման համար նախատեսված տարածքները եւ երկարաժամկետ ժամանակահատվածում կախուղորեն ստանա բարձրորակ բերք: Ակնհայտ է, որ այս նախագիծը կնպաստի բազմամյա մշակաբույսերի աճեցման տարածքների ավելացմանը:

- Հայտնի է, որ TBC բանկը մի շարք նախագծեր է իրականացնում ագրոներդրումային վարկից բացի, եւս ի՞նչ նախագծեր է առաջարկում TBC բանկը գյուղատնտեսության շահագրգռված անձանց:

- Ագրոներդրումային վարկը միակ սպասարկումը չէ, որով TBC բանկը փորձում է խրախուսել ագրոներդրումային զարգացմանը: Բանկը 2013 թվականից ներգրավված է «Արտոնյալ ագրովարկեր» եւ «Արտադրի՞ր Վրաստանում» պետական նախագծերում: Վերոնշյալ նախագծերի շրջանակներում գյուղատնտեսության զարգացման նպատակով, TBC բանկը շուրջ 8 հազար սպառողի համոզել է 320 միլիոն լարիի վարկ:

ՀԱՅԱՍՏԱՆ - ԱՐՑԱԽ. Փաստեր, իրադարձություններ

«ՎՐԱՍԱՆԻ», ԱՐՄԵՆՊԵՏԻ, ՊԱՆԱՐՄԵՆԻԱՆԻ ԵՎ ԿԱՎԱԶՊԵՏԻ ՆՅՈՒԹԵՐՈՎ

ՀԱՅԱՍՏԱՆԻ ՆԱԽԱԳԱՐԸ ԱՊՅ ՊԵՏՈՒԹՅՈՒՆՆԵՐԻ ՂԵԿԱՎԱՐՆԵՐԻ ԽՈՐՀՐԴԻ ՆԻՍՏՈՒՄ

Սեպտեմբերի 16-ին Բիշքեքում բացվեց ԱՊՅ պետությունների ղեկավարների խորհրդի նիստը՝ նեղ կազմով, որտեղ քննարկվելու է չորս հարց:

Նիստի աշխատանքին մասնակցում է աշխատանքային այցով Ղրղզստանում գտնվող Հայաստանի նախագահ Սերժ Սարգսյանը: Նիստը նախագահում է հյուրընկալող երկրի նախագահ Ալեքսանդր Լևոնյանը:

Խորհրդի նեղ, ապա դրան հաջորդող ընդլայնված կազմով նիստերում, պետությունների ղեկավարները օրակարգի շրջանակներում կքննարկեն քաղաքական, տնտեսական, հումանիտար, անվտանգության ապահովման ոլորտ-

ներում Համագործակցության անդամ պետությունների փոխգործակցությանը, նոր մարտահրավերներին, ինչպես նաև սպառնալիքներին, հակազդելուն վերաբերող ավելի քան մեկ տասնյակ հարցեր, որից հետո տեղի կունենա փաստաթղթերի ստորագրման արարողություն: Խորհրդի աշխատանքի արդյունքները ՁԼՄ-ների հետ



հանդիպմանը կամփոփի ԱՊՅ գործադիր կոմիտեի նախագահ Սերգեյ Լեբեդևը:

ԿԱՐԵՆ ԿԱՐԱՊԵՏՅԱՆԸ՝ ՀԱՅԱՍՏԱՆԻ ՎԱՐՉԱՊԵՏ

(Սկիզբը՝ 1-ին էջում)

Ավարտել է Երևանի ԼՏՍՍՍՏ-ի անվան միջնակարգ դպրոցը, սովորել է գերագույն դասարանում: Աշխատել է Երևանի պետական համալսարանի կիրառական մաթեմատիկայի ֆակուլտետը:

Ունի տնտեսագիտության դոկտորի գիտական աստիճան, 32 գիտական աշխատանքների հեղինակ է:

Աշխատել է Հայաստանի պետապլանի հաշվողական կենտրոնում, գիտության եւ մշակույթի գործիչների ասոցիացիայում: Միաժամանակ,

դասավանդել է ԵՊՅ-ում:

Ապա որպես փոխտնօրեն, գլխավոր տնօրեն, աշխատել է «Հայէներգո» ՊՁ-ում:

Եղել է Հայաստանի էներգետիկայի փոխնախարար: Ապա զբաղեցրել է «Հայմուս-գազարդ» ՓԲԸ-ի վարչության նախագահ-գլխավոր տնօրեն

նի պաշտոնը:

2010-2011 թթ. եղել է Երեւանի քաղաքապետ:

2011-2016 թթ. աշխատել է որպես «Գազպրոմբանկ» ԲԲԸ առաջին փոխնախագահ: 2013 թվականից «ԱՌԵՎԻՍ-ԲԱՆԿ-ԳԱԶՊՐՈՄԲԱՆԿԻ ԽՈՒՄԲ» խորհրդի անդամ է:

ԲՈՒՆՈՒԹՅՈՒՆՆԵՐԻ ՀԱՄԱՐ ԿԱՊԱՐՈՎՎԵՆ ԽԱՂԻ ՀԱՎԱՍԱՐ ԿԱՆՈՆՆԵՐ



Սեպտեմբերի 15-ին, Հայաստանի նորանշանակ վարչապետ Կարեն Կարապետյանի գլխավորությամբ, անցկացվեց Հայաստանի կառավարության նիստ:

պետյանը հայտարարեց, որ իրենք կայաքար են արհեստական մենաշնորհների դեմ եւ խաղի հավասար կանոններ կապահովվեն բոլորի համար:

«Կլիմեն հավասար կանոններ: Երկրի փոքրությունը միշտ բերելու է նրան, որ որեւէ ոլորտում լինելու է խոշոր խաղացող, այլ հարց է՝ նա արդար մրցակցության արդյունքում է դրան հասնելու, թե՛ աղմուկիստրատիվ միջոցներով»,- նշեց վարչապետը:

Վարչապետը հերքեց խոսակցություններն այն մասին, թե չի ցանկանում աշխատել դաշնակցական նախարարների եւ հատկապես՝ Դավիթ Լոքյանի հետ: «Ո՛չ, դա ճիշտ չէ: Ինձ հիմա ավելի շատ հետաքրքրում է, թե նա զարգացման ինչ տեսլական ունի իր ոլորտում, քան թե որ կուսակցության անդամ է»,- պատասխանեց Կարապետյանը:

Գործադիր ղեկավարը հաստատեց, որ կլիմեն մարդիկ, ովքեր լքելու են կառավարությունը, սակայն իրաժարվեց անուններ տալ:

ՅՈՑ ՄԻԼԻՈՆ ԵՎՐՈ՝ ԳՅՈՒՂԱՏՆՏԵՍԱԿԱՆ ԵՎ ՔԱՂԱՔԱՅԻՆ ԶԱՐԳԱՑՄԱՆ ՀԱՄԱՐ

Եվրամիությունը Հայաստանում գյուղատնտեսական եւ քաղաքային զարգացմանն աջակցելու նպատակով ՀՀ կառավարությանն է փոխանցել 7 միլիոն եվրո:

ԵՄ-ն 2014թ. դեկտեմբերին հաստատել է գյուղատնտեսության եւ գյուղական համայնքների զարգացման նպատակով Հայաստանի կառավարությանը 25 միլիոն եվրոյի տրամադրումը, ինչն իրականացվում է «Եվրոպական հարեւանության գյուղատնտեսության եւ գյուղական համայնքների զարգացման ծրագրի» շրջանակում: Ծրագրի իրականացման տեւողությունը 3 տարի է, որի ընթացքում 20 մլն եվրո բյուջետային աջակցություն կտրամադրվի Հայաստանի կառավարությանը գյուղատնտեսության եւ գյուղական համայնքների կայուն ու համապարփակ զարգացման համար: Միլիոնային ժա-

մանակ, 5 մլն եվրո օժանդակություն կցուցաբերվի ՀՀ գյուղատնտեսության նախարարությանը Հայաստանում ֆերմերների խմբերի եւ գյուղմթերքների արժեքային շղթաների բարելավման համար:

Բյուջետային աջակցությունն իրականացվում է երեք տարվա ընթացքում: 2016 թվականի համար նախատեսված գումարը՝ 7 միլիոն եվրոն, արդեն փոխանցվել է Հայաստանի կառավարությանը:



«ԵՍ ԵՄ» 9-ՐԴ ՄԻՋԱԶԳԱՅԻՆ ԵՐԻՏԱՍԱՐԴԱԿԱՆ ԿԻՆՈՓԱՌԱՏՈՆԸ ԵՐԵՎԱՆՈՒՄ



Հայաստանի նախագահի բարձր հովանու ներքո, Հայաստանի մշակույթի նախարարության աջակցությամբ, «Հայաստանի կինեմատոգրաֆիստների միավորում» հասարակական կազմակերպության նախաձեռնությամբ՝ սեպտեմբերի 15-17-ը, Հայաստանի Կոտայքի մարզի Աղվերամ համազատավայրում անցկացվեց «Ես եմ» 9-րդ միջազգային երիտասարդական կինոփառատոնը: Այն այս տարի անցկացվեց «Հայ զինվոր» խորագրի ներքո:

Գերմանիայից ներկայացված 80 խաղարկային, վավերագրական եւ անիմացիոն ֆիլմ: Այս տարի մրցանակներ են սահմանվել հետեւյալ անվանակարգերում. «Գլխավոր մրցանակ», «Լավագույն ռեժիսորական աշխատանք», «Լավագույն օպերատորական աշխատանք», «Լավագույն խաղարկային ֆիլմ», «Լավագույն վավերագրական ֆիլմ», «Լավագույն անիմացի-

ոն ֆիլմ», «Լավագույն ուսանողական ֆիլմ»:

Փառատոնի ժյուրիի նախագահն է կինոքննադատ Աճնա Երզնկյանը, անդամներն են՝ կինոռեժիսորներ Արսեն Գասպարյանը, Մանանա Հակոբյանը, Տարոն Պետրոսյանը, կինոօպերատոր Սուրեն Թադեւոսյանը:

Փառատոնն անցկացվում է 2004 թվականից:

ՓՈՓՈԽՈՒԹՅՈՒՆՆԵՐ՝ ՀԱՅԱՍՏԱՆԻ ԿԱՐԱՎԱՐՈՒԹՅԱՆ ԱՇԽԱՏԱԿԱԶՄՈՒՄ

Հայաստանի նորանշանակ վարչապետ Կարեն Կարապետյանի որոշմամբ, կառավարության աշխատակազմում տեղի են ունեցել կադրային փոփոխություններ: Կարեն Կարապետյանի որոշմամբ Գուրգեն Դումանյանն ազատվել է կառավարության աշխատակազմի ղեկավար-նախարարի առաջին տեղակալի, Արամ Անանյանը եւ Գագիկ Խաչատրյանը՝ խորհրդակցական, Տիգրան Կարապետյանը՝ վարչապետի օգնականի պաշտոններից: Կարապետյանի մեկ այլ որոշմամբ Գագիկ Մարտիրոսյանը նշանակվել է Հայաստանի վարչապետի գլխավոր խորհրդական:

ԱՐԵՈՒՐ ԳԱՎՃՅԱՆԸ՝ ՀԱՅԱՍՏԱՆԻ ՂԵՍՎՈՐ ԳՍՏԱՆԱԶ

Հայաստանի Ազգային ժողովը 38-ամյա Արթուր Դավթյանին ընտրեց Հայաստանի գլխավոր դատախազի պաշտոնում: Արդարադատության I դասի խորհրդական, իրավաբանական գիտությունների թեկնածու Արթուր Դավթյանը ավարտել է Երևանի պետական համալսարանի բակալավրիատը, մագիստրատուրան, ասպիրանտուրան, փորձեր ժամանակներում պատրաստանալով պաշտոններ է զբաղեցրել Հայաստանի գլխավոր դատախազության համակարգում: Եղել է գլխավոր դատախազության մարդու իրավունքների դեմ ուղղված հանցագործությունների գործերով վարչության պետի տեղակալ, Երևան քաղաքի դատախազ Հայաստանի գլխավոր դատախազի տեղակալ: Ամուսնացած է, ունի երկու դուստր:



ՀԱՅԱՍՏԱՆԻ ԲԵՆԱԳՈՒԹՅԱՆ ԳՐԵՆԸ ԿԵՆԸ ԲԵՆԱԿՈՒՄ Ե ԵՐԵՎԱՆՈՒՄ

Հայաստանում, 2016 թվականի հուլիսի 1-ի դրությամբ, մշտական բնակչության թվաքանակը կազմել է 2 միլիոն 995.1 հազար մարդ, որից 1 միլիոն 905.7 հազարը՝ քաղաքներում, իսկ 1 միլիոն 089.4 հազարը՝ գյուղերում: Ամենաշատ բնակեցված մարզերից են Արմավիրի, Արարատի եւ Կոտայքի մարզերը, համապատասխանաբար՝ 266.2 հազար, 258.8 հազար եւ 253.9 հազար բնակչությամբ: Իսկ ամենից քիչ բնակչություն ունեցող մարզը Վայոց ձորին է՝ 50.8 հազար բնակչով: Երեւանում բնակվում են 1 միլիոն 074.1 հազար մարդ: Բնակչության թվաքանակի վերաբերյալ տեղեկատվության ստացման սկզբնաղբյուրը բնակչության մարդահամարներն են: Բնակչության թվաքանակի ընթացիկ գնահատականը տրվում է բնակչության վերջին մարդահամարի արդյունքների հիման վրա (2011թ. հոկտեմբերի 12-21-ին անցկացված), որոնց ամեն փարի ավելացվում են տվյալ տարածքի ծնվածների եւ եկողների (հաշվառվածների) թվաքանակը, հանվում են մահացածների եւ տվյալ տարածքից մեկնածների (հաշվառումից հանվածների) թվաքանակը:

ՅՈՒՅԱՆՆԵՐԵՍ՝ ԵՎՐՈՎՍԵ ԱՆԿԱՆՈՒԹՅԱՆ 25-ԱՄՅԱԿԻՆ

Հայաստանի Ազգային արխիվի ցուցադրությունների սրահում սեպտեմբերի 16-ին ներկայացվեց փաստաթղթերի ցուցադրությունը՝ նվիրված Հայաստանի Հանրապետության 25-ամյակին: Ցուցադրությունը կոչվում է «Երեք հանրապետություններ»: Այն այդպես է կոչվում, քանի որ 1918 թվականի մայիսի 28-ին հռչակված Հայաստանի պարտությունը շարունակվում է մինչեւ օրս: Ներկայացված փաստաթղթերի մեծ մասը առաջին անգամ է ցուցադրվում: Ցուցադրված փաստաթղթերից են Հայաստանի երեք նախագահների անչնագրերը եւ Շուշիի ազատագրման քարտեզը, որը տարիներ շարունակ խիստ գաղտնի էր:

ԵԿԵՂԵՑԱԿԱՆ

20.09.2016. Սուրբ կույսեր Փեփրոնեի, Մարիանի եւ Սեծ Վարդանի դատեր՝ Շուշանիկի հիշատակության օր

ՍԵՊՏԵՄԲԵՐ



Նի հետ: Իսկ Շուշանիկը եկեղեցուն կից մի փոքրիկ տնակում, ապրում էր աղոթքներով՝ միշտ մերժելով իր ամուսնուն՝ դավանափոխ լինելու առաջարկներն ու սպառնալիքները: Սուրբ Շուշանիկը 7 տարի անընդմեջ իր ամուսնուց հալածվում է՝ ապավինելով միայն իր աներեր հավատին առ Աստված եւ պապից՝ Սուրբ Սահակից իրեն կտակված Սուրբ Ավետարանին: Սուրբ Շուշանիկը 470 թվականին իր կյանքն ավարտում է մարտիրոսական մահով: Ըստ Ռխտանես պատմիչի, նրա գերեզմանը Ցուրտավիում է:

Սուրբ Շուշանիկը Վարդան Մամիկոնյանի ավագ դուստրն էր, որին նախապես Վարդանի էին կոչել, բայց հայոց պատմության եւ վարքաբանության մեջ հայտնի է Շուշանիկ փառաբանական ամուսնով: Նա ամուսնացած էր վրաց Աշուշա բղեշխի որդի Վարսագենի հետ: Չնայած նրանք 3 տղա եւ 1 աղջիկ ունեին, սակայն ամուսինը, բղեշխ դառնալով, կրոնափոխ էր եղել եւ ամուսնացել պարսիկ Պերոզ իշխանի զոքան:

Իր ամուսնուց հալածվում է՝ ապավինելով միայն իր աներեր հավատին առ Աստված եւ պապից՝ Սուրբ Սահակից իրեն կտակված Սուրբ Ավետարանին: Սուրբ Շուշանիկը 470 թվականին իր կյանքն ավարտում է մարտիրոսական մահով: Ըստ Ռխտանես պատմիչի, նրա գերեզմանը Ցուրտավիում է:

Ի ԳԻՏՈՒԹՅՈՒՆ ՎԱՐՈՐԴՆԵՐԻ

ՎԱՆԱՉՈՐ-ԱՆՎԵՐԳԻ-ՎՐԱՍՏԱՆԻ ՍԱՀՄԱՆ ՃԱՆԱԳՈՐԾԻ ՄԻ ՀԱՏՎԱԾԸ ՎԵՐԱՆՈՐՈՎՄԱՆ ԴԱՏՃԱՌՈՎ ՓԱԿՎԵԼ Է

Հիմնանորոգման աշխատանքներով պայմանավորված՝ 2016 թվականի սեպտեմբերի 14-ից՝ Վանաձոր-Ալավերդի-Վրաստանի սահման (Մ-6) միջպետական ավտոճանապարհի Վանաձոր-Թումանյան հատվածով երթևեկությունը ժամանակավորապես կդադարեցվի, եւ այն փակ կլինի տրանսպորտային բոլոր միջոցների համար:

Հայաստանի տրանսպորտի եւ կապի նախարարության կողմից սահմանվել են տրանսպորտային երթևեկության հետևյալ այլընտրանքային երթուղիները:

Մեր համայնքային երթևեկությունը դեպի Ալավերդի, Վանաձոր քաղաքներ եւ մոտակա բնակավայրեր կիրականացվի հետևյալ երթուղիներով. Վանաձոր-Ստեփանավան-Ագարակ-Կողես-Այգեհատ-Օձուն-Ալավերդի-Վրաստանի սահման, Վանաձոր-Դսեղ-Մարց-Թումանյան ճանապարհահատվածներով:

Տարանցիկ բեռնատար ավտոմեքենաների եւ երթուղային ավտոբուսների համար՝ Երեւան-Սեւան-Իջևան (Մ-4), Ոսկեպար-Նոյեմբերյան-Բագրատաշեն-Վրաստանի սահման (Մ-16) ճանապարհահատվածներով: Երեւան-Սպիտակ-Վանաձոր (Մ3), Դիլիջան-Իջևան (Մ-4), Ոսկեպար-Նոյեմբերյան-Բագրատաշեն (16) ճանապարհահատվածներով: Տրանսպորտային միջոցների

Հայաստանից Վրաստան ուղեւորվող մարդատար եւ միջին բեռնատար մեքենաների վարորդները կարող են օգտվել նաեւ Երեւան-Գյումրի-Աշոցք-Բալրա-Վրաստանի սահման ճանապարհահատվածից:

ԹԱՏԵՐԱԿԱՆ ԱՐՎԵՍ

ԱՐԱՄՅԱՆՅԻՆԵՐԻ ԽԱՂԸ ՎՐԱՅԵՐԵՆ՝ ՄԱՐԶԱՆԻՇՎԻԼՈՒ ԲԵՄՈՒՄ

Սեպտեմբերի 15-ին, Թբիլիսիի Կ.Մարջանիշվիլու անվան պետական ակադեմիական դրամատիկական թատրոնում, Պ.Ադամյանի անվան պետական հայկական դրամատիկական թատրոնը ներկայացրեց Նոդար Դումբաձեի «Սպիտակ դրոշմեր» պատմվածքի հիման վրա «Սեղադրական եզրակացություն» ներկայացումը՝ թատրոնի գեղարվեստական ղեկավար Արմեն Բայանդուրյանի բեմադրությամբ:



Ընթերցողին հիշեցնենք, որ վերջերս «Սեղադրական եզրակացություն» առաջնախաղը կայացավ Օզուրգեթի պետական դրամատիկական թատրոնում Ն.Դումբաձեի նվիրված միջազգային թատերական փառատոնի շրջանակներում: Ադամյանցիների խաղը մեծ ոգեւորություն ու համակրանք էր առաջացրել ինչպես վրացական թատերական անվանի գործիչների, այնպես էլ՝ հանդիսատեսի շրջանում:

Հատկանշական է, որ «Սեղադրական եզրակացություն» մեջ Իսիդորեի դերակատարն է Թբիլիսիի Շ.Ռուսթավելու անվան պետական ակադեմիական թատրոնի դերասան, Վրաստանի վաստակավոր արտիստ Սոտ Լադիձեն: Ընդգրկված մյուս դերասանները վիրահայոց թատրոնի երիտասարդ, բայց արդեն կայացած դերասաններն են. Նանո Պողոսյան, Լիանա Օգանեզովա, Սերգեյ Սաֆարյան, Էդուարդ Մուրադյան, Նարեկ Բայանդուրյան, Դավիթ Բարսեղյան, Արամ Սիքախյան, Արթուր Գասպարյան, Արեն Սկրտչյան, Էռնեստ Հարությունյան, Ջենրիխ Պետրոսյան, Արթուր Գրիգորյան:

տանի մշակույթի եւ հուշարձանների պահպանության նախարար Միխեիլ Գիրգաձեն, բարձրացավ բեմ եւ, իր գնահատանքը հայտնելով ադամյանցիներին այս անգուզական խաղի եւ բեմադրիչի հիանալի հանգուցալուծման համար, ուրախությամբ հայտնեց, որ, Վրաստանի մշակույթի նախարարության աջակցությամբ, սկսվում է վիրահայոց թատրոնի հիմնարկ վերանորոգումը, եւ առաջին փուլի համար նախարարությունն արդեն հատկացրել է 1 մլն լարի: Ըստ նախարարի, վերանորոգչական աշխատանքները կսկսվեն տարեվերջին:

ՍԱՆԻԿ ԴԱՆԵԼՅԱՆ

ՄՈՑԻԱԼԱԿԱՆ

ՍԿՍՎՈՒՄ Է ԱՃԻՍԱՏԱՆՔ ՓՆՏՐՈՂՆԵՐԻ ՎԵՐԱԴԱՏՐԱՏՈՒՄԸ

Ընթացիկ տարվա սեպտեմբերից, Վրաստանի աշխատանքի, առողջապահության եւ սոցիալական պաշտպանության նախարարությունն սկսում է պետական ծրագրի իրականացումը, որի շրջանակներում, աշխատանք որոնողները կկարողանան երկրի մասնագիտական ուսումնարաններում անցնել վերապատրաստում եւ բարձրացնել մասնագիտական որակավորումը:

յուն առկա է: Առողջապահության փոխնախարար Զաքա Սոպրոմաձեն թվարկեց մեծ պահանջարկ վայելող մասնագիտությունները, որոնց թվում էին զբոսաշրջիկների ուղեկցորդի, տուրօպերատորի, ռճաբանի, խառատի, եռակցողի եւ այլ մասնագիտությունները: Աշխատանք որոնողները վերապատրաստում կանցնեն հավաստագրված մասնագիտական կրթության հաստատություններում 2-4 ամսվա ընթացքում:

Ծրագրին մասնակցել ցանկացող 16-ից բարձր տարիք ունեցողները, մինչեւ սեպտեմբերի 9-ը, պետք է դիմեն ըստ բնակավայրի, սոցիալական սպասարկման գործակալության սերվիս-կենտրոնին եւ անցնեն համապատասխան ընթացակարգը:

Շահագրգռված անձինք անվճար կանցնեն վերապատրաստում այն մասնագիտություններով, որոնց կարիքը աշխատանքային շուկա-

7x7 grid with numbers 1-62 for a word search puzzle.

Խ Ա Չ Բ Ա Ռ

ՀՈՐԻՉՈՆԱԿԱՆ. 1.Գետ Ջնդկաստանում: 6.Ե՛վ Վեռնոյը, ե՛ւ Թրուսայան: 9.Արեւմտահայ գրող ... Օտյան: 11.Թռչուն: 13.Վերք (բրբ.): 14.... Սկալա օպերային թատրոնը Իտալիայում: 15.Ե՛վ հայկական գյուղ, ե՛ւ գինի: 19.Չողի հարկ: 20.«Վրաստան» թերթի ֆոտոլրագրող ... Ակուլյան: 21.Ժամանակի միավոր: 22.«Որոգայթ» ֆիլմի հերոսներից: 23.Դիակ, մահացածի մարմին: 24.Վրաց նկարիչ ... Փիրսոմանի: 27.Դերձակի գործիչ: 28.Յերոսուհի «Մեր բակը» ֆիլմում: 30.... Կուլպա «Իմ մեղքը»: 32.... անել, վարել: 33.Վրաց գրող ... Տաբիձե: 36.Հարյուր տարի: 37.Ալբանիայի քաղաքամայրը: 40.Շատ հայտնի քաղաք Նիդերլանդներում: 42.Վառ, պայծառ: 43.Ոչ բուսակեր: 44.Արաքսի անվանումներից: 47.Ամայի, բուսազուրկ: 48.«Լակմե» օպերայի հեղինակը, ֆրանսիացի կոմպոզիտոր Դելիբ ...: 50.Գամ, գաս, ...: 52.Հայոց թագավոր: 53.Գրող, հրահրող: 55.Թբիլիսահայ կինոռեժիսոր Փարաջանովի «... գույնը»: 57.Ընտանի թռչուն: 58.Սրա, ..., նրա: 59.Գիքորի բույրը: 60.Անտեր, ծնողազուրկ: 61.Համադասական շաղկապ: 62.Լեռ Արեւմտյան Հայաստանում: ՈՐԴԱՆՄԱՅՆ. 2.Դրախտի առաջին տղամարդը: 3.Սպասքի պարագա: 4.Հայոց այբուբենի զինվոր: 5.Առաջին եղբայրասպանը: 6.Իտալիայի ափերը ողողող ծով: 7.Գետ Վրաստանում: 8.Իտալիայի կորեայի մայրաքաղաքը: 10.Քաղաք Ֆրանսիայում: 12.Վիրահայոց թեմի առաջնորդ ... Եպիսկոպոս Սիրզախանյան: 15.Կրծող կենդանի: 16.Սե, վե՛վ, տյուն, ...: 17.Սուրբ Աննայի դուստրը ... Աստվածածին: 18.«Վրաստան» թերթի թղթակից ... Կիլածե: 23.Գյուղ եւ շրջան Վրաստանում: 25.Գերմանացի հայտնի ֆիզիկոս ... Նյուտոն: 26.Գծի տեսակ: 29.Հայ անվանի բանաստեղծ: 30.Երրորդ նոտան: 31.Եվրասիական տնտեսական միությունը: 33.... Աստված: 34.Ֆիլմ «Մեր ...ը»: 35.«Սարի սիրուն ..., սարի մեխակ բեր» (ժող.երգ): 36.Դարը կազմող: 38.Հայ մեծ վիպասան: 39.«Ինչքան ցավ եմ տեսել ես, ... ու դավ եմ տեսել ես» (Հովհ.Թումանյան): 41.... Քաթիպա: 45.Յերոսուհի Լեւոն Շանթի «Հին աստվածներ»-ում: 46.Բոյով ծառ: 47.Գյուղ, որը գովերգել է Գեորգ Էմինը: 49.Հայկական ներկ ... կարմիր: 51.Հայ ֆիդայապետ: 54.Քրոստ, ցնցոտիներով: 56.Անձնական դերանուն: 57.Լոնդոնի ժամացույցը ... բեմ: Կազմեց ԱՆՆԱ ՍՈՐԻԲԵԿՅԱՆԸ

Խմբագիր՝ ՎԱՆ ԲԱՅԲՈՒՐԹՅԱՆ

Մեր հասցեն՝ Թբիլիսի 0105 Գ.Աթոնելի փ. 5 Հեռ. 2990-739, 2990-774 www.vrastan.ge E-mail: vrastan@caucasus.net

Գրանցման վկայական № 4 4 - 1439 «ԿՈԼՈՐ» հրատարակչություն

«ՎՐԱՍՏԱՆ» Тбилиси, Грузия <VRASTAN> Georgia, Tbilisi Индекс 66445